


PTP cipta rekod kendalian kontena

Oleh Mohamed Farid Noh - Januari 7, 2022 @ 2:32pm
farid_noh@bh.com.my



ISKANDAR PUTERI: Pelabuhan Tanjung Pelepas (PTP) merekodkan pencapaian baharu dengan menjadi terminal kontena pertama di Malaysia yang melepasi jumlah kendalian melebihi 11 juta unit bersamaan 20 kaki (TEU), tahun lalu.

Rekod kendalian yang direkodkan pada 25 Disember lalu, kira-kira jam 10 pagi itu semasa proses kendalian kontena di kapal Maersk Amazon, sekali gus mengukuhkan kedudukan PTP sebagai satu daripada 15 pelabuhan tersibuk di dunia.

Menteri Pengangkutan, Datuk Seri Dr Wee Ka Siong, berkata PTP mencatatkan jumlah kendalian sebanyak 11.2 juta TEU pada akhir tahun lalu dengan nilai pertumbuhan 14 peratus, berbanding 9.8 juta TEU pada 2020.

Beliau berkata, Kementerian Pengangkutan amat berbangga atas pencapaian terkini PTP di saat masih banyak negara berpelabuhan yang masih terjejas akibat penularan wabak COVID-19.

Katanya, nilai pertumbuhan dua angka yang dicapai PTP iaitu 14 peratus pada akhir tahun lalu adalah kadar pertumbuhan tertinggi antara 20 pelabuhan terbaik di dunia.

"Ketika pelabuhan lain di seluruh dunia masih berada dalam situasi yang kurang stabil akibat pelbagai isu termasuk kesan operasi perniagaan akibat COVID-19 yang berterusan, kos pengangkutan yang meningkat, kesesakan pelabuhan dan